

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA TATU

30 JANUARI, 2020



ORODHA YA SHUGHULI ZA LEO

MKUTANO WA KUMI NA NANE

KIKAO CHA TATU – TAREHE 30 JANUARI, 2020

I. DUA:

II. HATI ZA KUWASILISHA MEZANI:

MWENYEKITI WA KAMATI YA KUDUMU YA BUNGE YA BAJETI:

Taarifa ya Kamati ya Kudumu ya Bunge ya Bajeti kuhusu Shughuli za Kamati hiyo katika kipindi cha Mwezi Januari, 2019 hadi Januari, 2020 pamoja na tathmini ya Utekelezaji wa Bajeti ya Serikali kwa kipindi cha nusu Mwaka, Julai – Disemba, 2019.

MWENYEKITI WA KAMATI YA KUDUMU YA BUNGE YA UWEKEZAJI WA MITAJI YA UMMA:

Taarifa ya Kamati ya Kudumu ya Bunge ya Uwekezaji wa Mitaji ya Umma kuhusu Shughuli zilizotekelezwa na Kamati hiyo kwa kipindi cha kuanzia Februari, 2019 hadi Januari, 2020.

III. MASWALI KWA WAZIRI MKUU:

IV. MASWALI YA KAWAIDA:

OFISI YA RAIS (TAMISEMI):

27. MHESHIMIWA ANDREW JOHN CHENGE (BARIADI):

Atamuuliza Mheshimiwa Waziri wa Nchi, Ofisi ya Rais (TAMISEMI):

Je, ni lini Serikali itakamilisha ahadi yake ya kujenga barabara za Mji wa Bariadi kwa Kiwango cha lami.

OFISI YA MAKAMU WA RAIS (MUUNGANO NA MAZINGIRA):

28. MHESHIMIWA HALIMA JAMES MDEE (KAWE):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Jiji la Dar es Salaam linakabiliwa na tatizo sugu la uchimbaji mchanga na uchafu uliokithiri:-

Je, Serikali ina mikakati gani ya muda mfupi na muda mrefu kukabiliana na kero hiyo sugu na hatarishi.

29. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Katika nchi yetu na hasa Mkoa wa Kigoma kuna vyanzo vingi vya maji; Jimbo la Kasulu peke yake kuna vyanzo vya uhakika zaidi ya 150:-

- (a) Je, kwa nini Serikali haiji na mkakati wa kina wa uhifadhi wa vyanzo vya maji katika Wilaya ya Kasulu;
- (b) Je, ni lini Serikali itakuja na mpango “*A Comprehensive Water Sources Protection Program*” ili vyanzo vya maji vilindwe na vitunzwe ili kukabiliana na uharibifu wa mazingira na mabadiliko ya Tabia ya Nchi.

WIZARA YA FEDHA NA MIPANGO:

30. MHESHIMIWA BONIPHACE MWITA GETERE (BUNDA):

Atamuuliza Mheshimiwa Waziri wa Fedha na Mipango:- Katika miaka ya hivi karibuni nchi yetu imekuwa na majina mengi katika Idara ya Ukaguzi toka Ofisi ya CAG kama vile Hati safi, Hati inayoridhisha na Hati chafu:-

- (a) Je, Shirika au Halmashauri kupata hati safi ni ishara kwamba Shirika au Halmashauri husika halina ubadhirifu wa mali ya Umma

kwa kuwa kuna kila dalili kuwa kutolewa kwa hati safi ni dalili ya wazi ya kuficha ubadhirifu katika baadhi ya Mashirika na Taasisi za Umma;

(b) Je, ni lini Serikali itafuta utaratibu huo ambao umekuwa kinga ya ubadhirifu wa mali ya Umma.

WIZARA YA UJENZI, UCHUKUZI NA MAWASILIANO:

31. MHESHIMIWA LOLESIA JEREMIA BUKWIMBA (BUSANDA):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itaanza ujenzi wa Gati katika Kijiji cha Bukondo Halmashauri ya Wilaya ya Geita.

32. MHESHIMIWA ESTER ALEXANDER MAHAWA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Kata za Naberera, Kitwai, Lorbene, Loibosroit, Norakauwo na Komolo katika Wilaya ya Simanjiro hazina huduma ya mawasiliano ya simu:-

Je, ni lini sasa Serikali itapeleka minara ya simu ili Wananchi hao waweze kupata huduma ya mawasiliano ya simu.

33. MHESHIMIWA RASHID ABDALLAH SHANGAZI (MLALO):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itakamilisha ujenzi wa barabara ya Lushoto – Mlalo km 45 kwa kiwango cha lami.

WIZARA YA MAMBO YA NDANI YA NCHI:

34. MHESHIMIWA ALFREDINA APOLINARY KAHIGI (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Wapo akina Mama wanaojifungua wakiwa Gerezani na kuendelea kutumikia adhabu zao huku wakiwa na Watoto wachanga:-

Je, Serikali haioni umuhimu wa kuwapumzisha kama miezi sita bila ya kufanya kazi yeyote ili wapate nguvu kwanza.

**35. MHESHIMIWA SABREENA HAMZA
SUNGURA (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:-

Je, Serikali ina mkakati gani wa kupunguza Mahabusu katika Magereza na Vituo vya Polisi nchini.

WIZARA YA MAJI:

**36. MHESHIMIWA ALMAS ATHUMAN MAIGE
(TABORA KASKAZINI):**

Atamuuliza Mheshimiwa Waziri wa Maji:- Serikali inatekeleza mradi mkubwa wa maji kutoka Ziwa Victoria na kuyapeleka Mkoa wa Tabora katika Miji ya Igunga, Nzega, Manispaa ya Tabora, Sikonge, Isikizya na Urambo:-

- (a) Je, ni Vijiji gani vya Mashariki vya Jimbo la Tabora Kaskazini – Uyui vitapatiwa maji kutokana na mradi huo;
- (b) Kwa vile ni idadi ndogo tu ya Vijiji kati ya Vijiji 82 vya Jimbo la Tabora Kaskazini ndiyo vitapatiwa maji na mradi huo. Je, Serikali ina mpango gani wa kuvipatia maji Vijiji vyote katika Jimbo la Tabora Kaskazini.

V. HOJA ZA KAMATI:

MWENYEKITI WA KAMATI YA KUDUMU YA BUNGE YA BAJETI:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Bajeti kuhusu Shughuli za Kamati hiyo katika kipindi cha Mwezi Januari, 2019 hadi Januari, 2020 pamoja na tathmini ya Utekelezaji wa Bajeti ya Serikali kwa kipindi cha nusu Mwaka, Julai – Disemba, 2019.

MWENYEKITI WA KAMATI YA KUDUMU YA BUNGE YA UWEKEZAJI WA MITAJI YA UMMA:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Uwekezaji wa Mitaji ya Umma kuhusu Shughuli zilizotekelezwa na Kamati hiyo kwa kipindi cha kuanzia Februari, 2019 hadi Januari, 2020.

DODOMA
30 JANUARI, 2020

S. KAGAIGAI
KATIBU WA BUNGE